



玉臺新詠目錄卷之八

蕭子顯

日出東南隅行

代美女篇

蕭子雲

春思

蕭子輝

春宵

蕭子範

春望古意

蕭愨

秋思

王筠

春日

二首

游望

二首

秋夜

二首

向曉閨情

閨情

有所思

三婦艷詩

詠燈擎

劉孝綽

遙見鄰舟主人投一物眾姬爭之有客請

余為詠

淇上戲蕩子婦

夜聽妓賦得烏夜啼

賦得遺所思

贈美人

賦得照基蠟刻五分成

古意

春宵

冬曉

三婦艷詩

劉孝儀

閨怨

劉孝威

侍宴賦得龍沙宵月明

奉和湘東王應令冬曉

奉和逐涼詩

郟縣遇見人織率爾成詠

辛苦篇 怨

劉遵

敷華應令

還頓城應令

應令詠舞

王訓

奉和率爾有詠

應令詠舞

庾肩吾

有所思行 二首

隴西行

春宵應令

和徐主簿望月

南苑還看人

送別於建興苑相逢

賦得橫吹曲長安道

愛妾換馬

詠美人看畫

詠美人

七夕

冬曉詩

庾成師

遠期篇

徐君倩

初春携内人行戲

共内人夜坐守歲

鮑泉

和湘東王春日

詠薔薇

南苑看游者

落日看還

寒閨詩

劉緩

詠名士悅傾城

秋夜

冬宵

寒閨

鄧鏗

奉和夜聽妓聲

閨中月夜

和陰梁州雜怨

陰鏗

侯司空宅詠妓

侍宴賦得竹

和樊晉侯傷妻

南征閨怨

班婕妤怨

甄固

奉和卍子春情

劉邈

鼓吹曲折楊柳
萬山見採藥人
見人織聊為之詠

秋閨

紀少喻

建興苑

擬吳筠體應教

聞人舊

春日 二首

吳孜

春閨怨

王妍英妻劉氏

和昭君怨

朱超道

賦得蕩子行未歸

裴子野

詠雪

房篆

金樂歌

陸壘

閨怨

庾信

昭君詞

明君詞

結客少年場行

對酒

看妓

玉臺新詠
目錄卷之八
和何僕射還宅懷故

和詠舞

春日題屏風

徐孝穆

走筆戲書應令

奉和詠舞

和王舍人送客未還閨中有望

為羊兗州家人答餉鏡

玉臺新詠目錄卷之八

終

玉臺新詠卷之八

東海徐陵編

吳興茅元禎重校

日出東南隅行

蕭子顯

大明上若若陽城射凌霄光照窓中婦絕世同
阿嬌明鏡盤龍刻簪羽鳳凰彫逶迤梁家髻冉
弱楚宮腰輕紈拂重錦薄縠間飛綃三六前年
暮四五今年朝蚕園拾芳繭桑陌採柔條出入
東城里上下洛西橋忽逢車馬客飛蓋動檐輶
單衣鼠毛織寶劍羊頭鞞丈夫疲應對御者輟

街鑣樹間徒脉脉垣上幾翹翹女本西家宿君
自上宮要漢馬三萬匹夫聳仕嫖姚鞞囊虎頭
綬左珥鳧盧貂橫吹龍鍾管奏鼓象牙簫十五
張內侍十八賈登朝皆笑顏郎老盡訝董生超

代美女篇

邯鄲暫輟舞巴姬請罷絃佳人溱洧上艷趙復
傾燕繁穠旣為李照水亦成蓮朝沾成都酒暝
數河間錢餘光幸未惜蘭膏空自煎

春思

蕭子雲

春風蕩羅帳餘花落鏡奩池荷正捲葉庭柳復
垂簷竹柏君自改團扇妾方嫌誰能憐故素終
為泣新縑

春宵

蕭子輝

夜夜妾偏栖百花含露低虫聲繞春岸月色思
空閨傳語長安驛辛苦寄遠西

春望古意

蕭子範

光景斜漢宮橫梁照采虹春情寄柳色鳥語出
梅中氛氳閨裏思逶迤水上風落花徒入戶何

解妾牀空

秋思

蕭愨

清波收潦日華林鳴籟初
芙蓉露下落楊柳月中
踈燕幃湘綺被趙帶流黃
裾相思阻音信結
夢感離居

春日 二首

王筠

日照鴛鴦殿萍生雁鷺池
游塵隨影入弱柳帶
風垂青鶻逐黃口別鶴慘
羈雌同衾遠游說結

其二

愛久相離於今方溘死
寧須萱草枝

其二

菴苑心未蕝靡蕪葉欲齊
春蚕方曳緒新燕正
啣泥野雉呼雌雛庭禽
挾子栖從君客梁後方
晝掩春閨山川隔道里
芳草徒萋萋

游望 二首

其一

落日照紅粧挾瑟當窓牖
寧復歌靡蕪唯聞歎
楊柳結好在同心離別由
衆口徒設露葵美誰

酌蘭英酒會日杳無期
擗華安得久

其二

相思不安席聊至狹斜東
愁眉做戚里高髻學
城中雙眉偏照日獨
盡好縈曾自知心所愛
獻賦甘泉宮博聞方鼎
食詎憶春閨容

秋夜 二首

其一

九重依夜管四壁慘無暉
招搖頷西落烏鵲向
東飛流螢漸收火絡緯
欲催機爾時思錦字持

製行人衣所望丹心達
嘉客倘能歸

其二

露華初泫泫桂枝方悚悚
煞氣下重軒輕陰拂
四座別寵增脩夜遠征
悲獨宿愁牽翠羽眉淚
滿橫波目長門絕往來
含情空杼軸

閨情

北斗欲行沒東方稍已晞
晨雞初振羽曉露方
霑衣錦衾徒有設蘭約
果相違誰忍開朝鏡羞
恨掩空扉

王臺新詩 卷之八
四
閨情

月出宵將半星流曉未央空閨易成響虛室自
生光嬌羞悅人夢猶言君在傍

有所思

丹堦生細草紫殿納輕陰曖曖巫山遠悠悠湘
水深徒歌鹿盧劍空貽玳瑁簪望君終不見屑
淚且長吟

三婦艷

大婦留芳褥中婦對華燭小婦獨無事當軒理

清曲丈人且安卧艷歌方斷續

詠燈擎

百華耀九枝鳴鶴映冰池末光本內照丹花復
外垂流輝悅嘉客翻影泣生離自銷良不悔明
白願君知

遙見鄰舟主人投一物衆姬爭之有客請

余為詠

劉孝綽

河流既澆澆河鳥復關關落花浮浦出飛雉度
洲還此日倡家女競嬌桃李顏良人惜美珥欵

以代芳管新縑疑故素盛趙茂衰班曳綃爭掩
穀搖珮奪鳴環客心空振蕩高枝不可扳

淇上戲蕩子婦

桑中始奕奕淇上未湯湯美人要雜珮上客綉
明璫日闇人聲靜微步出蘭房露葵不待勸鳴
瑟無暇張翠釵掛已落羅衣拂更香如何嫁蕩
子春夜守空牀不見青絲騎徒勞紅粉粧

夜聽妓賦得烏夜啼

鷓鴣且輟弄鶴操暫停揮別有啼鳥曲東西相

背飛倡人怨獨守蕩子游未歸若逢生離唱長
夜泣羅衣

賦得遺所思

遺簪彫玳瑁贈綺織鴛鴦木若華滋樹交枝蕩
子房別前秋已落別後春更芳所思不可寄唯
憐盈袖香

贈美人

巫山薦枕日洛浦獻珠時一遇便如此寧關先
有期幸非使君問莫作秦羅辭夜長眠復坐誰

知閣歛眉欲寄同花燭為照遙相思

賦得照碁燭刻五分成

南皮弦初罷終爽且留賓日下房櫳閉華燭命
佳人側光全照肩迴花半隱身不辭纖手卷羞
令夜何晨

古意

燕趙多佳麗白日照紅粧蕩子十年別羅衣雙
帶長春樓怨難守玉階空自傷對此歸飛燕啣
泥繞曲房差池入綺幕上下傍雕梁故居尤可

念故人安可忘相思昏望絕宿昔夢容光魂交
忽在御轉側定他鄉徒然居枕席誰與同衣裳
空使蘭膏夜炯炯對繁霜

春霄

春霄猶自
樓影風飄花

樹香誰能對雙燕

冬曉

冬曉風正寒偏念客衣單臨粧罷鉛黛含淚剪
綾紈寄語龍城下詎知書信難

三艷婦

大婦縫羅裙中婦料繡文唯餘最小婦窈窕舞
昭君丈人慎勿去聽我駐浮雲

閨怨

劉孝儀

本無金屋寵長作玉階悲一乖西北麗寧復城
南期永巷愁無盡應門閉有時空勞織素巧徒
為團扇詞在牀終不共何由橫自私

侍宴賦得龍沙宵明月

劉孝威

鵲飛空繞樹丹輪殊未圓嫦娥望不出桂枝梢

隱殘落照移樓影浮光動整瀾慙馬悲笳吹城
烏啼塞寒傳聞機杼妾愁余衣服單當愁終已
脆銜涕織復難斂眉雖不樂舞劍強為歡請謝
函關吏行當封一丸

奉湘東王應令冬曉

妾家邊洛城慣識曉鍾聲鍾聲猶未絕漢使報
應行天寒硯冰凍心悲書不成

奉和逐涼詩

鍾鳴夜未央避暑起徬徨長河似曳素明星若

散璫倚巖欣石冷臨池愛水涼月織張敞畫荷
妖韓壽香對此游清夜何勞娛洞房

却縣遇見人織率爾成詠

妖姬含怨情織素起秋聲度梭環玉動踏躡珮
珠明經移疑杼澁緯斷恨絲輕蒲桃始欲罷鴛
鴦猶未成雲棟共徘徊紗窓相向開窓踈眉語
度紗輕眼笑來矐矐隔淺紗的的見粧華鏤玉
同心帶列寶連枝花紅衫向後結金簪臨鬢斜
機頂掛流蘇機傍垂結珠青絲引伏兔黃金繞

輓轡艷彩裾邊出芳脂口上渝百城交問遺五
馬共踟躕直為閨中人守故不要新夢啼漬花
枕覺淚濕羅巾獨眠真自難重衾猶覺寒逾憶
凝脂緩彌想橫陳歡行驅金絡騎歸就南城端
城南稍有期想子亦勞思羅衣久應罷花釵堪
更治新粧莫點黛余還自畫眉

辛苦篇

浦生伊何陳曲中多苦辛黃金坐銷爍白玉遂
溜磷裂衣工毀嫡掩袖切讒新嫌成跡易已愛

去理難申秦雲猶變色魯日尚迴輪妾歌已賜
斷君心終未親

怨

退寵辭金屋見譴斥甘泉枕席秋風起房櫳明
月懸燭避窓中影香迴爐上烟丹庭斜草徑素
壁點苔錢歌起蒲生曲樂奏下山弦新聲昔廣
宴餘杯今自傳王嬙何絕漢宗女入邾連雁書
猶未返角馬無歸年昭臺省媵御曾坂無棄捐
後薪隨復積前魚誰復憐

繁華應令

劉遵

可憐周小童微笑摘蘭叢鮮膚如粉白悞臉似
桃紅挾彈雕陵下垂鈎蓮葉東腕轉飄香麝衣
輕任好風幸承枕席選得奉畫堂中金屏障翡
翠藍帔覆薰籠本知傷輕薄含辭羞自通剪袖
恩雖重殘桃愛未終蛾眉詎須嫉新粧迎入宮

還頓城應令

漢水深難渡深潭見底清錦笳繫鳧舸珠竿懸
翠鈴鳴笳芳樹曲流唱採蓮聲神游不停駕日

暮返連營寧願重房重階下綠苔生

應令詠舞

倡女多艷色入選盡華年舉腕嫌衫重迴腰覺
態妍情繞陽春吹影逐相思弦履度開裾禡髮
轉匝花鈿所愁餘曲罷為欲在君前

奉和率爾有詠

王訓

殿內多仙女從來難比方別有當窓艷復是可
憐粧學舞勝飛燕染粉薄南陽散黃分黛色薰
衣雜棗香簡釵新輾翠試履送垣墻一朝恃容

色非復守空房君恩若可恃願作雙鴛鴦

應令詠舞

新粧本絕世妙舞亦如仙傾腰逐韻管歛衽聽
張弦袖輕風易入釵重步難前笑態千金動衣
香十里傳時持比飛燕定當誰可憐

有所思行 二首

庾肩吾

其一

佳期竟不歸春物坐芳菲拂匣看離扇開扉見
別衣井梧生未合宮槐卷復稀不及啣泥燕後

王臺雜言 卷之八
來相逐飛

其二

佳人遠于隔乃在天一方望望江山阻悠悠道
路長別前秋葉落別後春花芳雷歎一聲響雨
淚忽成行悵望情無極傾心還自傷

隴西行

借問隴西行何當驅馬征草合前迷路雲濃後
暗城寄語幽閨妾羅袖勿空縈

春宵應令

征人別來久年芳復臨牖燭下夜縫衣春寒偏
著手願及歸飛雁因書寄高柳

和徐主簿望月

樓上徘徊月窓中愁思人照雪光偏冷臨花色
轉春星流時入暈桂長欲侵輪願以重光曲承
君歌扇塵

南苑還看人

春花競玉顏俱折復俱攀細腰宜窄衣長釵巧
挾鬟洛橋初度燭青門欲上關中人應有望上

客莫前還

送別於建興苑相逢

相逢小苑北停車問苑中梅新雜柳故粉白映
輪紅去影背斜日香衣臨上風雲流階漸黑水
開池半通去馬船難歸啼鳥曲未終眷然從此
別車西馬復東

賦得橫吹曲長安道

桂宮橫復道黃山開廣路遠聽平陵鍾遙識新
豐樹合殿生末光離宮起烟霧日落歌吹還塵

飛車馬度

愛妾換馬

渥水出騰駒湘川實應圖來從西北道去逐東
南隅琴聲悲玉匣山路泣靡蕪似在將含笑千
金會不俱

詠美人看畫

欲知畫能巧喚取真來映並出似分身相看如
對鏡安釵等踈密着領俱周正不解平城圍誰
與丹青競

五言集
卷之八
詠美人

絳樹及西施俱是好容儀
非關能結束本自細
腰枝鏡前難並照相將
映綠池看粧畏水動
斂袖避風吹轉手齊裾
亂橫簪歷鬢垂曲中人
未取誰堪白日移不分
他相識惟聽使君知

七夕

玉匣卷懸衣高樓開夜扉
嫦娥隨月落織女逐
星移離前忿促夜別後
對空機倩語雕陵鵲填
河未可飛

冬曉詩

鄰雞聲已傳愁人竟不眠
月光侵曙後霜明落
曉前紫鬢起照鏡誰忍
整花鈿

遠期篇

庾成師

憶別春花飛已見秋葉稀
淚粉羞明鏡愁帶減
寬衣得書言未反夢見
道應歸坐使紅顏歇獨
掩青樓扉

初春携内人行戲

徐君倩

梳飾多今世衣着一時
新草短猶通屨梅香漸

著人樹斜牽錦幃風橫入紅輪滿酌蘭英酒對
此得娛神

共內人夜坐守歲

歡多情未極賞至莫停杯酒中喜桃子粽裏覓
楊梅簾開風入帳燭盡炭成灰勿疑鬢釵重為
待曉光催

和湘東王春日

鮑泉

新燕始新歸新蝶復新飛新花滿新樹新月麗
新輝新光新氣早新望新盈抱新水新綠浮新

禽新音好新景自新還新葉復新攀新枝雖可
結新愁誰解顏新思獨氛氲新知不可聞新扇
如新月新蓋學新雲新落連珠淚新點石榴裙

詠薔薇

經植宜春館霏靡上蘭宮片舒尤帶紫半捲未
全紅葉踈難蔽日花容易傷風佳麗新粧罷含
笑拆芳叢

南苑看游者

洛陽小苑地車馬盛經過綠溝駐行憶倚柳轉

鳴珂履高全響珮襪輕半隱羅浮雲無處所何
用轉橫波

落日看還

妖姬競早春上苑逐名辰苔輕變水色霞濃掩
日輪雕甍斜落影畫扇拂梁塵衣香遙已度衫
紅遠更新誰家蕩舟妾何處織縑人

寒閨詩

行人消息斷空閨靜復寒風急朝機燥鏡暗晚
粧難從來腰自小衣帶就中寬

詠名士悅傾城

劉緩

不信巫山女不信洛川神何關別有物還是傾
城人經共陳王戲曾與宋家隣未嫁先名玉來
時本姓秦粉光猶自面朱色不勝唇遙見疑花
發聞香知異春釵長遂鬢髮小稱腰身夜夜
言嬌盡朝朝態還新已傾荀奉倩能迷石季倫
上客徒留目不見正橫陳

秋夜

樓上起秋風絕望秋閨中燭溜花行滿香燃奩

欲空徒教兩行淚俱浮粧上紅

冬宵

別後春池異荷盡欲生冰箱中剪刀冷臺上面
脂凝纖腰轉無力寒衣恐不勝

寒閨

不堪寒夜久夜夜守空牀衣裾逐座禡釵影近
燈長無憐四幅錦何須辟惡香

奉和夜聽妓聲

鄧鏗

燭華似明月鬢影勝飛橋妓兒齊鄭樂爭妍學

楚腰新歌自作曲舊瑟不須調衆中俱不笑座
上莫相撩

閨中月夜

閨中日已暮樓上月初華樹陰緣砌上窓影向
牀斜開帷傷隻鳳吹燈惜落花誰能當此夕獨
處類倡家

和陰梁州雜怨

別離雖未久遂如長別離叢桂頻銷葉庭樹幾
攀枝君言妾貌改妾畏君心移終須一相見併

得兩相知

侯司空宅詠妓

陰鏗

佳人遍綺席
妙曲動鸚絃
樓似陽臺上
池如洛浦邊
鶯啼歌扇後
花落舞衫前
翠柳將斜日
偏照晚妝鮮

侍宴賦得竹

夾池一叢竹
青翠不驚寒
葉醞宜城酒
皮裁薛縣冠
湘川染別淚
衡嶺拂仙壇
欲見歲華色
當來兔苑看

和樊晉侯傷妾

畫梁朝日盡
芳樹落花辭
忽以千金笑
長作九原悲
鏡前塵素粉
機上網紅絲
戶餘雙燕入
牀有一空帷
名香不可得
何見反魂時

南征閨怨

湘水舊言深
征客理難尋
獨愁無處道
長悲不自禁
逢人憎解佩
幽居懶聽音
惟當有夜鵲
南飛似妾心

班婕妤好怨

王臺新詩
卷之八
柏梁新寵感長信昔恩傾誰謂詩書巧翻為歌
扇輕花月分窓進苔草共階生妾淚衫前滿單
眠夢裏驚可惜逢秋扇何用合歡名

奉和世子春情

甄固

昨晚褰簾望初逢雙燕歸今朝見桃李不啻數
花飛已愁春欲度無復寄芳菲

鼓吹曲折楊柳

劉邈

高樓十載別楊柳擢絲枝摘葉驚開駛攀枝恨
別離年年阻音信月月減容儀春來誰不惡相

思君自知

萬山見採桑人

倡妾不勝愁結束下青樓逐伴西城路相攜南
陌頭葉盡時移樹枝高乍易鈎絲繩掛且脫金
籠寫復收蚕饑日已暮詎為使君留

見人織聊為之詠

纖纖連玉指脉脉正蛾眉振躡開交縷停梭續
斷絲簷花照初月洞戶垂朱帷弄機行掩淚翻
令織素遲

秋閨

螢飛綺窗外妾思霍將軍燈前量獸錦簷下織
花紋墜露如輕雨長河似薄雲秋還百種事衣
成未暇薰

建興苑

紀少喻

丹陵抱天邑紫苑更上林銀臺懸百仞玉樹起
千尋水流冠蓋影風揚歌吹音踟躕憐拾翠顧
步惜遺簪日落庭花轉方幔屢移陰終言樂未
極不道愛黃金

擬吳筠體應教

庭樹發春輝游人競下機却匣擎歌扇開箱揮
舞衣柔萎不復惜看花遽將夕自有專城居空
持迷上客

春日 二首

聞人蒨

其一

愁人試出牖春色定無窮參差依網日淡蕩入
簾風落花還繞樹輕飛去隱空徒令玉箸泣雙
垂明鏡中

其二

高臺動春色清池照日華
綠葵向日光轉翠柳逐
風斜林有驚心鳥園多奪目花
相與咸知節歎子獨離家人行
今不返何勞空折麻

春閨怨

吳攸

玉關信使斷借問不相諳
春光太無意窺窓來見參分
與光音絕忽值日東南柳枝
皆黶燕葉復催蚕物色頓如
此嬌居似不堪

和昭君怨

王對英妻

一生竟何定萬事良難保
丹青失應圖玉匣成秋草
相接辭關淚至今猶未燥
漢使汝南來殷勤為人道

賦得蕩子行未歸

朱超道

坐樓愁回望息意不思春
無奈園中柳寒時已報人
投梳羞理鬢挑朱懶向唇
何當上路晚風吹還騎塵

詠雪

裴子野

飄遙千里雪條忽度龍沙
從雲合且散因風卷

復斜拂草如連蝶落樹似飛花若贈離居者折
以代理華

金樂歌

房篆

前溪流碧水後渚映清天登臺臨寶鏡開窓對
綺錢玉顏光粉色羅袖拂金鈿春風散輕蝶明
月映新蓮摘花競時侶催指及芳年

閨怨

陸璣

自憐斷帶日偏恨分釵時留步惜餘影含意結
愁眉徒知今異昔空使怨成思欲以別離意獨

何靡蕪悲

昭君詞

庾信

拭淚辭咸里回頽望昭陽鏡失菱花影釵徐却
日梁圍腰無一尺垂淚有千行綠衫承馬汗紅
袖拂千霜別曲真多恨哀弦須更長

明君詞

斂眉光祿塞遙望夫人城片片紅顏落雙雙淚
眼生冰河牽馬度雪路把鞍行胡風入骨冷漢
月照心明方調琴上曲變入胡笳聲

結客少年場行

結客少年場春風滿路香歌燕李都尉果擲潘
河陽折花遙勸酒就水更移牀今年喜夫壻新
拜羽林郎定知劉碧玉偷嫁汝南王

對酒

春水望桃花春洲藉芳杜琴從綠珠借酒就文
君取牽馬向渭橋日落山頭晡山簡接籬倒王
戎如意舞箏鳴金谷圍笛韻平陽塢人生一百
年歡笑惟三五何處覓錢刀求為洛陽賈

看妓

綠珠歌扇薄飛燕舞袖長琴曲隨流水簫聲逐
鳳凰膺風蟬鬢亂映日鳳釵光懸知曲不誤無
事頌周郎

和何僕射還宅懷故

內閣早朝罷中臺夕奏稀無復千金笑徒勞五
日歸步簷朝未掃蘭房晝掩扉苔生理曲處網
積迴文機故瑟餘弦斷歌梁秋燕飛朝雲雖可
望夜帳定難依願憑甘露入方假慧燈輝寧知

洛城晚還淚獨沾衣

和詠舞

洞房花燭明燕餘雙舞輕頓履隨踈節低鬟逐
上聲步轉行初進衫飄曲未成鸞迴鏡欲滿鶴
頽市應傾已曾天上學詎似世中生

春日題屏風

昨夜烏聲春驚鳴動四鄰今朝花樹下定有詠
花人流星浮酒泛栗瑱繞杯唇何勞一片雨喚
作陽臺神

走筆戲書應令

徐孝穆

此日乍殷勤相嫌不如春今宵花燭淚非是夜
迎人舞席秋來卷歌筵無數塵曾經新代故那
惡故迎新片月窺花簞輕寒入錦巾秋來應瘦
盡偏自著腰身

奉和詠舞

十五屬平陽因來入建章主家能教舞城中且
巧粧低鬟向綺席舉袖拂花黃燭送窓邊影衫
傳鈴裏香當關好留客故作舞衣長

玉臺新詠 卷之八
和王舍人送客未還閨中有望

倡人歌吹罷對鏡覽紅顏拭粉留花稱除釵作
小鬟綺燈停不滅高扉掩未關良人在何處光
唯見月還

為羊充州家人答餉鏡

信來贈寶鏡亭亭似團月鏡久自踰明人久情
愈歇取鏡掛空臺於今莫復開不見孤鸞鳥香
魂何處來

玉臺新詠卷之八終

姑蘓 徐粲寫

玉臺新詠目錄卷之九

古詞

東飛伯勞歌

越人歌

司馬相如

琴歌 并序

烏孫公主

悲歌 一首

蘓伯玉妻

盤中詩

漢成帝時童謠 二首

漢桓帝時 一首

張衡

四愁詩

定情歌

秦嘉

贈婦

魏文帝

燕歌行 二首

陳思王

妾薄命行

晉惠帝時童謠 一首

張載

擬四愁詩

傅玄

歷九秋篇董桃行

車遥遥篇

燕人美兮歌

擬四愁詩四首并序

陸機

燕歌行

劉鑠

白紵曲

鮑昭

代淮南王二首

行路難四首

北風行

湯惠休

楚明妃曲

白紵歌

秋風歌

歌思引

陸厥

李夫人及貴人歌

釋寶月

行路難

梁武帝

河中之水歌

江南弄

龍笛曲

採菱曲

游女曲

朝雲曲

白紵辭

二首

昭明太子

江南曲

龍笛曲

採蓮曲

梁簡文帝

烏栖曲

四首

從軍行

和蕭侍中子顯春別

四首

歷九秋篇

十首

春情 一首

擬古 一首

倡樓怨節

東飛伯勞歌 二首

梁元帝

春別應令 四首

燕歌行

烏栖曲 四首

別詩 二首

沈約

登臺望秋月

會圃臨春風

歲暮愍衰草

霜來悲落桐

夕行聞夜鶴

晨征聽曉鴻

解珮去朝市

披褐守山東

王臺雜言
目錄卷之九
五

春日白紵曲

秋日白紵曲

趙瑟曲

秦箏曲

陽春曲

范靜妻沈氏

晨風行

吳筠

行路難
二首

張率

長相思
二首

白紵歌
五首

費昶

行路難
二首

蕭子顯

春別
四首

烏棲曲
三首

燕歌行

王筠

行路難

劉孝綽

代人詠見故姬

劉孝威

東飛伯勞歌

徐君蒨

別義陽郡 二首

王州英婦劉氏

贈夫 一首

庾信

燕歌行

烏夜啼

怨詩

舞媚娘

徐孝穆

烏栖曲 雜曲

玉臺新詠目錄卷之九 終

五臺雜記

目錄卷之九

七

